

DERIVADOW GIRONA WAR WIRYOW YETHONIETHEL

PEN International a guntel warbarth skrifysi an bys. Displegys yn Girona (mis Me 2011) gans Kessedhek Treylyans ha Gwiryow Yethoniethel PEN International, fastys gans Kuntelles Kanasow PEN International dhe'n 77ns Kuntellyans (mis Gwynngala 2011), an Derivadow ma a dhiskler deg pennrewl-idya gresel PEN International war wiryow yethoniethel.

1. Diverseth yethoniethel yw ertach an bys hag a dal bos talvesys ha difresys.
2. Revrons rag pub yeth ha gonisogeth oll yw selyek dhe'n argerdh a dhrehevel ha mentena keskows ha kres y'n bys.
3. Pubonan a dhysk kewsel yn kres an gemenieth a re dhodho bewnans, tavas, gonisogeth ha honanieth.
4. Nyns yw yethow dyffrans ha fordhow kewsel dyffrans saw maynys a geskomunya; yth yns i ynwedh an kerhynnedh may tyv tus ha mayth yw drehevys gonisogethow.
5. Pub kemenieth yethoniethel a's teves an gwir a dhevnydhya hy yeth avel yeth sodhogel yn hy thiredh.
6. Adhyskans skol a dal kressya reowta an yeth yw kewsys gans kemenieth yethoniethel an tiredh.
7. Yth yw desiradow may's teffo burjysi skians kemmyn a yethow divers, drefen henna dhe gennertha ynklewans hag ygoredh kemmyn, ha kressya skians downa a'ga thavas aga honan.
8. An treylyans a dekwstow, yn arbennek an oberethow meur a wonisogethow divers, yw elven bosek dres ehen y'n argerdh bysi a gonvedhes ha revrons moy yn mysk tus.
9. An media yw uhelgowser ha ganso gwir arbennek dhe weytha diverseth yethoniethel ha dhe gressya hy reowta yn abel ha dour.
10. An gwir dhe dhevnydhya ha gwitha yeth teythek a dal bos aswonnys gans an Kenedhlow Unys avel onan a'n gwiryow denel selyek.